

**Najib Hadir Rumah Terbuka Yang Dipertua Dewan Negara
Bernama
25 Ogos, 2012**

KUALA LUMPUR, 25 Ogos (Bernama) -- Perdana Menteri Datuk Seri Najib Tun Razak hari ini meluangkan masa menghadiri rumah terbuka sempena Aidilfitri Yang Dipertua Dewan Negara Tan Sri Abu Zahar Ujang di Jalan Gallagher, di sini.

Najib yang berbaju Melayu berwarna biru tiba pada pukul 3 petang dan disambut kira-kira 300 tetamu kenamaan, pegawai kerajaan serta diplomat asing.

Turut hadir Timbalan Perdana Menteri Tan Sri Muhyiddin Yassin yang diiringi isteri Puan Sri Noorainee Abdul Rahman.

Hadir sama Menteri Penerangan Komunikasi dan Kebudayaan Datuk Seri Dr Rais Yatim dan Menteri di Jabatan Perdana Menteri Tan Sri Dr Koh Tsu Koon.

Najib meluangkan masa kira-kira sejam pada majlis itu.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=689797>